

Nos Principe, Hildward Croes den concierto cu Chichi Peralta 29 di April, diasabra anochi

STA. CRUZ--Nos popular musico Hildward Croes ta formando parti di e elenco di musiconan cu ta acompaña Chichi Peralta ariba e gira mundial 'Mas Que Suficiente'. E honor grandi a toca Aruba di por ta anfitrión di e prome concierto di e gira aki cu

agrupacionnan grandi manera Wilfrido Vargas y Juan Luis Guerra. Nomina pa premio Grammy na diferente ocasion, Hildward arealiza multiple produccion na nivel internacional pa artistanan manera Eddy Herrera, Micky Taveras, Las Chicas Del Can, Altamira

acercando e pa ta parti di su proyecto. Chichi Peralta y Son Familia a lanza e exitoso produccion 'Pa Otro Lao' cu a hiba nan na e exito mundial cu canticanan manera entre otro: La Ciguapa, Amor Narcotico, y Procura. E grupo a realiza giranan exitoso na Merca, Sur America, y Europa. Principalmente na paisnan manera Peru, Colombia, Ecuador, Chile, y Argentina ta unda e agrupacion ta goza di un popularidad inmenso. Despues cu e ex-cantante Jandy Feliz a bandona Son Familia pa cuminsa cu su propio orquesta na año 1999, Hildward a percura pa un cantante Arubano haya e oportunidad den e agrupacion di Chichi Peralta. Asina aki Cesar Olarte a wordo integra como cantante principal di Son Familia e siguiente año. Otro persona cu a haya e chens pa join e grupo ariba sugerencia di Hildward Croes, ta e guitarrista Hulandes residencia na Aruba: Martin Buitenweg, cu a reemplaza e guitarrista principal di e grupo momento cu el' a tuma un descanso pa algun año. Na año 2001 Chichi Peralta ta logra conquista e premio Grammy Latino como mihor album di merengue pa su



lo bay pasa rond di mundo durante di 2006 y 2007. Por lo tanto ta spera un cantidad di periodista y personahe importante di e mundo di espectáculo internacional ariba nos isla e fin di siman aki. E honor ta mas grandi ainda considerando cu tin un Arubiano formando parti di e tremendo agrupacion di Chichi Peralta. Hildward Croes ta un musico, compositor, arreglista, y productor respeta y reconocí internacionalmente. Gradua na Berklee College of Music y cu un Master's Degree di Bowling Green University, Hildward a profila den

Banda Show, Wilfrido Vargas y otronan. Hildward Croes y Chichi Peralta a conoce otro formando parti di e agrupacion di Juan Luis Guerra den principio di añanan 90. Cu Juan Luis Guerra y 4.40 nan a viaha rond mundo den giranan y presentando den estadiónan dilanti di miles di espectador. Na año 1995 Juan Luis Guerra a dicidi di retira temporalmente for di escenario y tabata e tempo ey cu Chichi Peralta a cuminsa su proyecto: Son Familia. Na año 1997 Hildward a ricibi un yamada for di su amigo Chichi Peralta



produccion: De Vuelta Al Barrio. Ariba e produccion aki Hildward Croes a participa activamente como arreglista, pianista, tecladista, acordeonista, y musicalgrafo. E éxito di e produccion aki a hiba e grupo na grabacion y filmacion di un concierto durante nan gira mundial cu despues a wordo lanza internacionalmente ariba DVD y CD titula: Chichi Peralta En Vivo. Despues di un temporada di algun año inactivo y cambiando di casa disquera, Chichi Peralta

a regresa na fin di año pasa cu un produccion nobo esta: Mas Que Suficiente. Ariba e CD aki un biaha mas Hildward Croes ta participa activamente.

E prome éxito di e produccion aki esta e cantica 'La Zalamera' ta un colaboracion musical di Chichi Peralta y Hildward Croes. Un cantica cu ta hiba e seyo indudable di e ritmonan contagioso cu nos conoce aki na Aruba principalmente den e temporada di carnaval. Hildward tambe a percura pa e contacto cu e cantante Arubano Landa Henriquez, kende a contrata Chichi Peralta como productor di su disco compacto cu lo ser lanza proximamente ariba mercado internacional, for di cual produccion e cantica 'Mujer 40' ya ta un éxito rotundo aki na Aruba. Diasabra anochi pueblo di Aruba lo bay tin e oportunidad unico di experiencia e premiere di e gira mundial di Chichi Peralta den Mansur Ballpark, cu na e ocasion aki a scoge nos isla pa realizacion di esaki.

